



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DLXXVII. ad annum DXC.

Parisiis, 1644

Epistola XLIV.

urn:nbn:de:hbz:466:1-15221

Mense Iulii, indictione tertiadecima.

EPISTOLA XLIV.

Gesta Synodi habitæ a beato Gregorio papa tempore Mauricii Augusti in vrbe Roma.

REGNANTE in perpetuum Domino nostro Iesu Christo, temporibus piissimi ac serenissimi dominorum Mauricii, & Tiberii, & Theodosii Augustorum eiusdem domini, imperio Mauricii anno* tertiodecimo, indictione tertiadecima, quinto die mensis Iulii: Gregorius papa coram sanctissimo beati Petri corpore, cum episcopis omnibus ac Romanæ ecclesiæ presbyteris residens, astantibus diaconibus & cuncto clero, dixit: In sancta Romana ecclesia, cui diuina dispensatio præesse me voluit, dudum consuetudo est valde reprehensibilis exorta, vt quidam ad sacri altaris ministerium cantores eligantur, & in diaconatus ordine constituti modulationi vocis inferuiant, quos ad prædicationis officium eleemosynarumque studium vacare congruebat. Vnde fit plerumque, vt ad sacrum ministerium dum blanda vox quæritur, quæri congrua vita negligatur, & cantor minister Deum moribus stimulet, cum populum vocibus delectat. *Qua in re præ-* ^{* lege de-} ^{cimo,} *presenti decreto constituo, vt in hac sede sacri altaris ministri cantare non debeant, solumque euangelicæ lectionis officium inter Missarum solennia exoluant; psalmos vero ac reliquas lectiones censeo per subdiaconos, vel, si necessitas fuerit, per minores ordines exhiberi. Si quis autem contra hoc decretum meum venire tentauerit, anathema sit. Et omnes responderunt: Anathema sit. Verecundum mos torporem indiscretionis inuoluit, vt huius sedis pontificibus ad secreta cubiculi seruitia laici pueri ac sæculares obsequantur, & cum pastoris vita esse discipulis semper debeat in exemplo, plerumque clerici qualis in secreto fit vita sui pontificis nesciunt, quam tamen, vt dictum est, pueri sciunt sæculares. De qua re præsentis decreto constituo, vt quidam ex clericis, vel etiam ex monachis electi, ministerio cubiculi pontificalis obsequantur; vt is qui in loco est regiminis, habeat testes tales, qui vitam eius in secreta conuersatione videant, & ex visione sedula exemplum pro-*

Iuo p. 2. c.
79. Anf. lib.
7. cap. 79.

fectus fumant. Consuetudo noua in ecclesia hac & valde reprehensibilis erupit, vt cum rectores eius patrimonii urbana vel rustica prædia iuri illius competere posse suspicantur, fiscali more titulos imprimant, atque hoc quod competere pauperibus æstimant, non iudicio sed manibus defendant. Et cum per prædicatores suos Veritas dicat: *Nihil per contentionem*, etiam ipsum litigiosæ contentio- nis malum transcendunt, & res quælibet, cum æstimatur ecclesiæ posse competere, per vim tenetur. Proinde præ- senti decreto constituo, vt si quis ecclesiasticorum vn- quam titulos ponere siue in rustico, siue in urbano prædio sua sponte præsumpserit, anathema sit. Et responderunt omnes: Anathema sit. Is autem qui ecclesiæ præest, si hoc vel ipse fieri præceperit, vel sine sua præceptione factum digna punire animaduersione neglexerit, anathema sit. Et responderunt omnes: Anathema sit. Sicut indignos nos pro beati Petri apostoli reuerentia mens fidelium venera- tur; ita nostram infirmitatem decet semetipsam semper agnoscere, & impense sibi venerationis onera declinare. Ex amore quippe fidelium huius sedis rectoribus mos vl- tra meritum erupit, vt cum eorum corpora humanda de- feruntur, hæc dalmaticis contegant, easdem dalmaticas pro sanctitatis reuerentia sibi met partiendas populus scin- dat, & cum adsint multa a sacris corporibus apostolorum martyrumque velamina, a peccatorum corpore sumitur, quod pro magna reuerentia reseruatur: de qua re præ- senti decreto constituo, vt feretrum quo Romani ponti- ficis corpus ad sepeliendum ducitur, nullo tegmine vele- tur. Quam decreti mei curam gerere, sedis huius presby- teros ac diaconos censeo. Si quis vero ex eorum ordine hæc curare neglexerit, anathema sit. Et responderunt om- nes: Anathema sit. Antiquam patrum regulam sequens, nihil vnquam de ordinationibus accipiendum esse con- stituo, neque ex datione pallii, neque ex traditione char- tarum, neque ex ea quam noua per ambitionem simu- latio inuenit appellatione pastelli. Quia enim ordinan- do episcopo pontifex manum imponit, euangelicam ve- ro lectionem minister legit, confirmationis autem eius epistolam notarius scribit, sicut pontificem non decet manum quam imponit vendere, ita minister vel nota-

Grat. 16. q. 6. c. 1. Poly. lib. 4. tit. 8.

Philipp. 2.

Idem Greg. in Syn. Ro. c. 5. luo 1. 3. tit. 2. c. 7. & p. 5. cap. 109. Ansel. lib. 6. c. 83. Grat. 1. q. 7. c. 58.

rius non debet in ordinatione eius vocem suam vel calammum venumdare. Pro ordinatione vero, vel pallio, seu cartis atque pastello, eundem qui ordinandus, vel ordinatus est, omnino aliquid dare prohibeo. Ex quibus prædictis rebus si quis hinc aliquid commodi appellatione exigere vel deferre forte præsumpserit, in districto Dei omnipotentis examine reatu subiacebit. Is autem qui ordinatus fuerit, si non ex placito, neque exactus, neque petitus post acceptas cartas & pallium aliquid cuiuslibet ex clero gratiæ tantummodo causa dare voluerit, hoc accipi nullo modo prohibemus; quia eius oblatio nullam culpæ maculam ingerit, quæ ex accipientis ambitu non processit. Multos de ecclesiastica, seu sæculari familia, nouimus ad omnipotentis Dei seruitium festinare, vt ab humana seruitute liberi in diuino seruitio valeant familiaris in monasteriis conuersari: quos si passim dimittimus, omnibus fugiendi ecclesiastici iuris dominium occasionem præbemus: si vero festinantes ab omnipotentis Dei seruitio incaute retinemus, illi inuenimur negare quædam qui dedit omnia. Vnde necesse est, vt quisquis ex iuris ecclesiastici vel sæcularis militiæ seruitute ad Dei seruitium conuerti desiderat, probetur prius in laico habitu constitutus: & si mores eius atque conuersatio bono desiderio eius testimonium ferunt, absque retractatione seruire in monasterio omnipotenti Domino permittatur, vt ab humano seruitio liber recedat, qui in diuino obsequio districtiorem appetit seruitutem.

Ibidem dist.
54. cap.
Multos.

SVBSCRIPTIONES EPISCOPORVM.

Gregorius Dei gratia episcopus his decretis subscripsit.
 Marinianus episcopus ciuitatis Rauennæ subscripsit.
 Paulus episcopus ciuitatis Nepesinensis.
 Ioannes episcopus ciuitatis Surrentinæ.
 Gratianus ciuitatis Numentanæ.
 Ioannes episcopus ciuitatis Falerinæ.
 Agnellus episcopus ciuitatis Tarracinenfis.
 Romanus episcopus ciuitatis * Blettanæ.
 Dominicus episcopus ciuitatis Centumcellensis.
 Pelagius episcopus ciuitatis Anagninæ.
 Felix episcopus ciuitatis Portuensis.
 Ioannes episcopus ciuitatis Veliternæ.
 Candidus episcopus ciuitatis Fulginienfis.

Dist. 96. c. 1.

* fort. Blet
tanæ.

Luminofus epifcopus ciuitatis Ferentinae.
 Baldinius epifcopus ciuitatis Roſellanae.
 Secundinus epifcopus ciuitatis Tauromeniae.
 Martianus epifcopus ciuitatis Ferenſis.
 Homobonus epifcopus ciuitatis Albanenſis.
 Dominicus epifcopus ciuitatis Vtriculanae.
 Conſtantius epifcopus ciuitatis Narnienſis.
 Fortunatus epifcopus ciuitatis Neapolitanae.
 Anaſtaſius epifcopus ciuitatis Tiburtinae.
 Proculus epifcopus ciuitatis Præneſtinae.

SVBSCRIPTIONES PRESBYTERORVM.

Laurentius presbyter tituli ſancti Silueſtri ſubſcripſit.
 Ioannes presbyter ſancti Vitalis.
 Specioſus presbyter ſancti Clementis.
 Deusdedit presbyter ſancti Ioannis & Pauli.
 Andromachus presbyter tituli Apoſtolorum.
 Cræſeus presbyter ſancti Laurentii.
 Ruſticus presbyter ſanctæ Suſannæ,
 Vibilius presbyter ſancti Marcelli.
 Petrus presbyter ſancti Iulii & Calliſti.
 Spectatus presbyter ſancti Vitalis.
 Stephanus presbyter ſancti Marci.
 Felix presbyter ſancti Sixti.
 Petrus presbyter ſanctæ Balbinæ.
 Iuſtus presbyter ſanctorum Nerei & Achillæi.
 Specioſus presbyter ſancti Damafi.
 Maurus presbyter ſanctæ Priſcæ.
 Placitus presbyter ſanctæ Balbinæ.
 Victor ſanctæ Cæcilie.
 Ioannes ſancti Chryſogoni.
 Auentius ſanctæ Praxedis.
 Andreas ſancti Marci.
 Ioannes ſanctorum Ioannis & Pauli.
 Agapitus Apoſtolorum.
 Felix ſanctæ Sabinæ.
 Bonus ſancti Eufeſtii.
 Baſſus ſancti Prudentis.
 Ioannes ſancti Silueſtri.
 Albinus ſanctorum Marcellini & Petri.
 Antonius ſanctæ Balbinæ.
 Candidus ſancti Clementis.
 Romanus ſancti Marcelli.
 Leo ſancti Damafi.
 Auentius ſancti Quiriaci.
 Fortunatus ſanctorum quatuor coronatorum.